

მეცხმსი

№ 19

გაზეთის ფასი: ერთი წლისა გაგზავნით და გუგზავნელად — ხუთი მანეთი; ნახევარი წლისა — სამი მანეთი.
გაზეთის ფულის და ყოველ გვარი წერილების გაგზავნა შეიძლება რედაქციაში ამ აღრესით: გაზეთის „მწევესის“ რედაქციაში, დაბა შორაძანს. *Во мѣсто редакціи „Мѣвеи“ (Пастыр).*
განცხადება მიიღება გაზეთში დასაბჭდათ ზომიერ ფასათ. მიიღება აგრეთვე დაბჭდილი განცხადებების დარიგება გაზეთთან.
რედაქცია იმყოფება დაბა შორაძანს, რედაქტორის საყთარს სახლში.

ვევლა სტატები და კორესპონდენციები, რომელნიც რედაქციაში იქმნებიან გამოგზავნილი დასაბჭდათ, უთუოდ გრცლად და გასაგებად უნდა იყვნენ ავტორთაგან ხელ მოწერილი.
უპირობოდ გამოგზავნილი სტატები რედაქციის საყუროებად ჩათვლებიან და საყიდელს მათთვის ავტორები ვერ მიიღებენ.
ავტორთაგან გამოგზავნილი სტატები, შენიშვნები და კორესპონდენციები შეიძლება ჩანდისხან შემოკლებით და შესწორებით დაიბჭდონ. სტატები და კორესპონდენციები, რომელნიც არ დაიბჭდებიან სამი თვის განმავლობაში შეიძლება ავტორებს მათის ხარდით უკანვე დაბრუნოს.
სტატები, კორესპონდენციები და შენიშვნები რუსულ ენაზე დაწერილინი მიიღებიან და თარგმანით დაიბჭდებიან.

შინაბარსი: კადეკ ქადაგებითი ხიტევაზე, დასახრული. — უთაქტევა კრებულთა რუსეთის კანონით. — სმა ხატეხალოდამ. — სახაძოქონო ჯ. საძეუხარო დაკუტი. — ქუთაისიდან. — ღესხუმიდან. — დეკობა გერას-ძეაში. — ქრისტანს. გურგულეხა. საქართველოში XII. — დახთელაგებითი ხიტევა. — ქუთაღ-გაზეთთა მიმოსიდა. — სსვა-გ. სსვა აშები ჯ შენაძენება. — მკვდარ ცოცხალი. (მოთხრობა გრავი მ. ტოლსტოისა რუსულიდან), დასახრული. — განცხადებანი.

კიდევ ქადაგავითი სიტყვაზე *).
(ბატ. ერის კაცის და დეკანოზის რაქვენ გიგაუროვის პოლემიკის გამო, „მწევესი“ № № 14, 15, და 16).
(დასასრული)

შეკანოზი ბიკაუროვი წინასწარმეტყველისავით ბრძანებს: „აბა დაენიშნოს მღვდელს თუ მახრის უფროსის ჯამაგირი არა, თანაშემწისა მაინც... მაშინ ნასწავლი მოძღვრებით მოიფინება სრულიად საქართველო, მაშინ აღორძინდება სასულიერო წოდებაო. მაგრამ საქმეც არის, რომ ჯერ უნდა ნასწავლი მოძღვრები გაამარჯლონ და მერე დაუნიშნონ მათ ჯეროვანი ჯამაგირი. სწავლაო სხვა-და-სხვა ნაირია. სწავლა თუ რიგინ ნიადაგზე არ არის დამყარებული, სარგებლობას ვერ მოიტანს იგი... იქნება დიდმა ჯამაგირმა მიიზიდოს ნასწავლი პირები სასულიერო სამსახურში, მაგრამ ეს პირნი მაინც ორატორებად არ გახდებიან, თუ ისინი რიგინად არ იქნენ მომზადებულნი, რადგანაც სწავლა და მრეკმედება

აზრი და საქმე სულ სხვა-და-სხვა, და რომ ეს მართალია, მაგალითებიდამ სჩანს. მხლაც კი მოიპოვება საქართველოს კუთხეებში თითო-ორი: ნასწავლი და მდიდარი მოძღვარი, მაგრამ რაო? — მათი სწავლა მათვე არსებაშია ღრმად დაფარული და თითქო თაკილობს კარზედ გამოსვლას!... დიახ, სწავლა მაშინ არის ცხოველი ძალა, როდესაც მას სარჩულად უძევს სიყვარული სამშობლოსადმი, — განათლება და აღზრდა ტყულები არიან და მათი კანონიერი დედა სამშობლო წიაღავია.

საქმაო ჯამაგირის დანიშენა ჩვენ ვერ შეგვეძენს კარგს მოძღვრებს, როგორც ამ ჯამაგირმა ვერ შესძენა კარგი მოხელეები სხვა წოდებას. და თუ ეხლა საუკეთესო სემინარიელები არ მიდიან მოძღვრებად, ამის უმთავრესი მიზეზი სხვა სახელდობრ ისა, რომ ამ სემინარიელებს სულით და გულით არ უყვართ წმიდა საქმე, პრაქსისა, რომელსაც მათ ასწავლიან და რომლისთვისაც ამზადებენ. მისაც უყვარს სწავლა ქრისტიანობისა და გონიერულად შეთვისებული აქვს ამ სწავლის უაღრესი მნიშვნელო-

*) იხილე „მწევესი“ № 18.

ბა, იგი თავს შესწირავს მის გაერცელებას, ქადაგებას და არ მოჰყვება ოხერას და კენესას ჯამაგირის დანიშნაზედ... შველგან სიღარიბეს შეეტაკებინ, მაგრამ ეს სიღარიბე კი არ არის პირველი და უკანასკნელი მიზეზი მოვალეობის აუსრულებლობისა. მოვალეობა, როგორც მოგეხსენებათ, ზნეობრივი ცნებაა და ზნეობრივ მიზეზზედ აღმოცენილი. და თუ სემინარიის სტუდენტი თავიდან იცილებს მოვალეობას, უჯამაგირობის გამო არ მიდის მოძღვრად, ეს პირ-და-პირი შედეგია სულ სხვა მიზეზთა... მართა ჯამაგირის დაწესება საქმეს ვერ უშველის, ამბროსი ნეკრესელებს ვერ დაჰბადავს საქართველოში... არც ძველს საქართველოში ჰქონდა ჯამაგირი მღვდლობას, მაგრამ თავის მოვალეობას კი გულმხურვალედ ასრულებდა. ამ მღვდლობამ დაიცვა ქრისტიანობა მძინვარე მტრებისაგან.

ზოგიერთ მღვდლებს და მათ შორის დეკანოზს შიგაუროვსაც წარმოუდგენია, რომ აწინდელი არასანატრელი ურთი-ერთობა, დამოკიდებულობა მოძღვრის და მრევლის შორის წარმოდგება იქიდან, რომ მღვდლობას ჯამაგირი არა აქვს და ღრამით სცხოვრობს. აბა დაწესდეს ჯამაგირი, თუ რა ძმობა და ერთობა დაჰყარდებოდა, — ამბობენ ზოგიერთები: „თუმცა სურვილი მაქვს მღვდლობისა, მაგრამ ვერ გავებდავ წაიღე მღვდლად; მათხოვრად არ გავიხდი თავს; სვინილის ვერ დავესჯეინები და მრევლის საწყევლ-სალანძღავად არ გავგდებო...“ მაგრამ მკითხველიც ჰხედავს, რომ ამ სიტყვებში ჭეშმარიტება არ მოიპოვება... ძველს საქართველოშიც მღვდლობა ღრამით სცხოვრობდა, მაგრამ უკმაყოფილებას აღგილი არა ჰქონდა იმიტომ, რომ მღვდელი მართა ფორმალურს თანამდებობას არ ემსახურებოდა; პირ-და-პირი თანამდებობის გარდა, მღვდელი ჭეშმარიტი მამულის-მეილი იყო, ნამდვილი მამა თავის სამწყსოსი. პიდეც ამიტომ გლეხობას სასულიერო წოდება მიჰჩნდა მცველად, მჟარველად და გაჭირვების დროს ეხიზნებოდა მას. შუღლის, კამათობის მოსასობლად საჭიროა მართა ჯამაგირის დაწესება კი არა, ჩვენი გონებით და ზნეობით ამაღლება და დაარსება ძველებურის „მამობისა“. შოველივე ეს მოხერხდება რიგიანი სწავლა-აღზღის შემწეობით. ამაზე უნდა იყვეს მიქცეული უმთავრესი ყურადღება ჩვენის სასულიერო წოდებისა.

ქასაკვირველია, სასულიერო წოდებას სრული უფლება აქვს ითხოვოს ჯამაგირის დაწესება, თავისი ეკონომიურის მდგომარეობის გაუმჯობესობა. არც ჩვენ ვართ ამის წინააღმდეგი. ჩვენ მხოლოდ იმას

ვამტიკებთ, რომ მართა ეს ჯამაგირი არ დაჰბადავს ქადაგებითი სიტყვას, არ მოსპობს სამწუხარო ურთი-ერთობას...

შოვა-ძეგვა კრეპულთა რჯულის კანონით.

(გაგრძელება).

მაგრამ ყოველივე ქვეყნიური საქმე არ ჰქონდა კრებულს აღკრძალული. ნების დართვა ანუ დაურთველობა იყო დამოკიდებული იმ მიზეზზე, რომელიც შეადგენდა იმის საფუძველს. მაგალითად — იჯარა, ვაჭრობა, ვეჟილობა, მზრუნველობა და სხ. კრებულს შეეძლო თავის-თავზე მიეღო იმ შემთხვევაში, როდესაც მასს ანგარება და სარგებლობა არ ჰქონდა სახეში.

მუც 86 ნოველლაში ვკითხულობთ: არც ეპისკოპოსმა, არც მღვდელმა არ უნდა მოჰქილოს ხელი ვეჟილობას, ვაჭრობას, თავდებობას და რომელიც ამ საქმეში გაერევა, ეკკლესიისაგან განტევებულ იყოს; მაგრამ თვით ეკკლესია და სახელმწიფო კანონები ნებას რთავდნ კრებულს აღგილმამულის იჯარით აღებისას და ვაჭრობას, თუმც მიზნათ ჰქონდათ ლუკმა ჰურის ზოენა და გაჭირვებულთა შემწეობა. ღიდი იუსტინიანეს კანონიც ნებას აძლევს კრებულს ეგეთი საქმეების წარმოებისას თავის ეპარხიაში (Кормч. ნაწ. II, 35). ილიობერტის კრებამ ნება მისცა უმაღლეს კრებულის პირებს ვაჭრობისა არა მხოლოდ თავის ეპარხიაში, არამედ შორ ქვეყნებშიაც სარწმუნო პირების საშეალობით. უმაღლესი მთავრობა არათუ უკრძალავდა კრებულს ვაჭრობას, არამედ ხელს უწყობდა და აძლევდა მას სხვა და სხვა უპირატესობას, როდესაც ამას გარემოება თხოულობდა. მაგალითად, ქონსტანციმ ნება მისცა კრებულს უბაჟო ვაჭრობისა. მრთ თავის დადგინებაში ქონსტანციმ განათავისუფლა ბაჟისაგან არა-თუ მართა კრებულის, არამედ მათი მოსამსახურენი და ყმები. რასაკვირველია, როდესაც ჩვენ ვამბობთ, რომ კრებულს ნება ჰქონდა ვაჭრობისა, უნდა ვიგულისხმოდ, რომ ეს ვაჭრობა ეხებოდა ეკკლესიის გამოსაგებელს (ინტერესებს).

ვეჟილობა და მზრუნველობა კრებულს აღკრძალული ჰქონდა, როდესაც ისინი ამ საქმეში ერეოდნ მოსაგებად, უკეთუმცა არა ჰქონდათ სახეში თავისი პირადი სარგებლობა, მაშინ ამის ნებას აძლევდა ეკკლესია კრებულს. მრთმა კრებამ გადაწყვიტა: „შკეთუ კანონი მოითხოვს, ანუ ეპისკოპოზი

ტუსალებისათვისაც იქმნებოდა დაარსებული წიგნთ-საცავი და ამ მიზნით რამდენიმე წიგნებიც შამოს-წირეს ზოგიერთმა პირებმა, რომელნიც პატივისცემის ღირსნი არიან; მაგრამ ამ ბოლო დროს ეს კეთილი საქმე სულ ჩაიშა. ამის მიზეზი, ჩემის აზრით, ჩვენი სულიერი მ. მკროპირ პაქახიძე უნდა იყოს, რადგან ამ საქმეში მან ვერ გამოიჩინა ის გულმხურვალება, როგორც გამოიჩინა მ. ლომაურმა. მ. მკრ. პაქახიძეს შეუძლია, თუ კი მოინდომებს, ქართული და რუსული გაზეთების საშუალებით მიიქცეს საზოგადოებისადმი და ითხოვოს, რომ ამ საქმეში ყველამ შემწეობა აღმოუჩინოს მას და ჩვენ დაიმედებული ვართ, რომ არაფერი არ დაიშურებს ორიოდ წიგნის შემოწირვას. რამდენს ექნება ძველი წიგნები, რომელნიც პატრონებისთვის დიდ განძს არ შეადგენენ, და ჩვენ, ტუსალებს, კი მეტად დაგვაღებენ! მართალია, მ. მკრ. პაქახიძე კვირა-უქმედლებში გვიწირავს ხოლმე, მაგრამ ამასაც რომ დაგვაღებდეს ტუსალებს, ზომ კიდევ უფრო უკეთესი იქნება. პიდე გავიმეორებთ, რომ აქ მართლმონა და საქმის ცოდნა არის საჭირო, და საზოგადოება რომ შემწეობას აღმოუჩინოს მ. მკრ. პაქახიძეს, ამაში ეჭვი არაფერს უნდა ჰქონდეს.

სასიამოვნო და საგუზარაო ჭაჭბი.

23-ს სექტემბერს ჩვენ შეგვხდა წირვის მოსმენა მუთაისის მთავარ-ანგელოსთ ეკკლესიაში, რომელშიაც მწირველად იყო მარტო ერთად-ერთი მ. დეკანოზი რაქდენ მიგაუროვი. ამ ეკკლესიაში ხალხი ძლიერ ბევრი დადის. ხოლმე და ამ დღესაც, მართლა, ბევრი მლოცველები იყო. არც ერთ ეკკლესიაში მუთაისში ამდენი მლოცველები არ დადიან. რატომ? აი რისთვის: ეკკლესია არის მშვენიერად მორთული; მამა დეკანოზს მოუხერხებია იმდენი, რომ ქართული გალობა-გურულ კალოზვად გაუწყვია და სასიამოვნოდ გალობენ ორი დიაქონი და ერთი-გარემე პირი. მიეთონ მ. დეკანოზი სწირავს მშვენიერი ტკბილი და სასიამოვნო ხმით და დიდის კრძალვით; ეკკლესიაში სუფევს წესიერება და კრძალულება. წირვის გათავებისას მამა დეკანოზმა აუთხსნა ხალხს წაკითხული სახარება მდაბიური და გასაგონი ენით, რომელმანც მშვენიერი შთაბეჭდილება მოახდინა მსმენელებზე. მსმენელები იქამდის დარჩენ მადრიელნი ამ სიტყვით, რომ ვერ დასძლიეს თავის გულის თქმას და იქვე

გათავებისათნავე სიტყვისა მრავალთა მსმენელთა წარმოსთქვეს: „შენც იმერთმა მოგცეს კეთილი და აგისრულოს გულის საწადელი“. მართი სიტყვით ყველანი მშვენიერი შთაბეჭდილებით გამოვიდნენ ეკკლესიიდან. ეს განლაგეთ სასიამოვნო ჭაჭბი.

ამაოვიდა თუ არა ტრაპეზიდან სახარების აღსახსნელად (ჯერეთ წირვა სრულებით გათავებული არ ყოფილა), იქვე ეკკლესიის გვერდით შეიქნა მუსიკის ხმის გრილი, რომელიც არ დამცხრალა სიტყვის გათავებამდის და ხალხის ეკკლესიიდან გამოსვლამდისინ. მუსიკის ხმა იქამდის მაღალი იყო სახლო-ვისა გამო, რომ ხან-დის-ხან კიდევ ვერ გაიგონებდი მოძღვრის ხმას. ეს მუსიკა იყო ერთ სახლოში, ეკკლესიის გვერდით, რომელშიაც მუზეუმი და პანორამები გაუმართავს. ეს პირველი შემთხვევა არ არის მუთაისში. ხშირად მუთაისის სობოროში მწუხრი და ან ღამის-თვეთ ცისკარი სრულდება და მის გვერდით, ბუღვარში, მუსიკა უკრავს და ბარაბანს გააქვს გრი-ალი... აი ეს განლაგეთ, ჩვენი აზრით, სამწუხარო ჭაჭბი.—რიგი იყო ამისთვის სასულიერო და სახორციელო მართებლობას ყურადღება მიექცია. ამის შემდეგ მაინც უნდა იქნეს ამაზე ყურადღება მიქცეული და წირვა-ლოცვის გამოსვლამდის, თუ ყველგან არა, ეკკლესიის კარებთან მაინც აღუკრძალონ მუსიკის დაკვრა.

ს—ის მღ—ლი.

მუთაისიდან.

ოთხს სექტემბერს მუთაისის სასულიერო სასწავ-ლებელში ახლად მისაღები ყმაწვილების ეკზამენები გათავდა. ხუთ ამა თვეს ყველა ამ სასწავლებელში მოსამსახურე პირნი მივიდნენ სწავლის დაწყებამდის ჰდ. სამღვდლო ბაბრიელთან ლოცვა-კურთხევის მისაღებლად. ჰდ. სამღვდლომ მიიღო ისინი თავის ზალაში და მამა-შვილური დარიგება მისცა მათ: „ჩვენ სასწავლებელში აღრევე, ბრძანა ჰდ. სამღვდლომ, კარგად მიიღო და სწავლის საქმე, მაგრამ ბოლოს დროს, სამწუხაროდ, ამასვე ვერ ვიტყვით. ამის მიზეზი ყველამ იცით. მხლა იმედია, რომ, თუ თქვენ ერთგულთა მოჰკიდებთ საქმეს ხელს, თუ თქვენში იქნება ერთგულება და საქმის ერთგულება, საქმე კიდევ კარგათ წავა. იმედია, რომ აწი, ახალი ზედა-მხედვლის ხელში, მშვიდობიანათ იმუშავებთ და

ერთობა იქმნება თქვენში.“ შემდეგ ყველა მასწავლებლებმა მიიღეს ლოცვა-კურთხევა და წავიდნენ თავთავიანთ კლასებში სამეცადინოთ.

წამე თვის ცამეტს, შდ. სამღვდელმაც ერთად შეჰკრიბა ყველა კლასების შევირდები, რომელთაც დაახლოებით, შემდეგი სიტყვა უთხრა: „მე შარშანაც დაგარიგეთ თქვენ და ესლაც გეტყვით ორიოდესიტყვას. თქვენ ამ სასწავლებელში სწავლისთვის შემოგიყვანეს; მაგრამ იცით, ვინ ისწავლის კარგად? ძარგად ის ისწავლის, ვინც ყურადღებით ისმენს კლასში. შინც კლასში ერთგულად არ დაიარება და, როცა კლასშია, არ ისმენს კარგად, ის ვერაფერს ვერ ისწავლის. თქვენი მშობლები იმიტომ ხარჯვენ თქვენი გამოზრდისათვის ფულებს, რომ თქვენ კარგად ისწავლოთ და კაი კაცები გამოხვიდეთ. სკოლაში ბეჯითად სიარულის გარდა, თქვენ უნდა გიყვარდესთ სიწმინდე. მართალია, რომ თქვენ ღარიბი მშობლების შეილები ხართ და მათ არ შეუძლიათ თქვენი მდიდრულათ ჩაცმა და შენახვა, მაგრამ იმას მაინც მოუპოვეთ, რაც გაცვიათ და სუფთად იქონიეთ. თქვენ თვითონ მოუპოვეთ თქვენს თავს; ერთი რუსული ანდაზა ამბობს: „ვინც თავის თავს იცავს, ის ღმერთსაც დაცული ჰყავს, — თუ თვითონ თქვენ თავს არ გაუფრთხილებით, მაშინ ღმერთიც მოგშორდებით და აღარ იქმნება თქვენი მფარველი. თქვენ თვითონ გაირეცხეთ თქვენი ტანისამოსი; წმინდათ იქონიეთ თქვენი ქვეშ-საფები. ძაი ღარში გარეთ გამოიტანეთ, გაამზიურეთ, გარაკეთ; მერე დაწმინდეთ თქვენი სახლი და ისე დაავით ლოგინი. ნაევანშმევს პირი გამოირეცხეთ კარგად, ღმერთს შეევედრეთ და დაწვეით. ღილით ადრე ადექით; პირის დაბანის დროს კარგად მოიბანეთ კისერი, გამოიწმინდეთ ყურები და წმინდათ იქონიეთ თავი. მე ხშირათ ვხედავ ხოლმე, რომ ზოგიერთ თქვენგანს პირი და ხელები მთლად გასვრილი აქვს და თავი დაუეარცხნელი. თავი ხშირად დაიბანეთ ხოლმე, თორემ მასზე მუწუკები გაგიჩნდებათ და ბოლოს თავი სულ გაგიბელატდებათ. თამაშობის დროს ერთი-ერთმანეთს ტანისამოსს ნუ დაახვეთ ხოლმე და ნურც პატარები დიდებთან ითამაშებთ. ჰოცელთვის პატარამ პატარასთან უნდა ითამაშოს. თამაშობის დროს ყვირილი ნუ იცით.

წმ გარეგანი სიწმინდის გარდა იმეცადინეთ, რომ თქვენი აზრი და გონებაც წმინდათ გქონდესთ. ნუ-რაფერს მოიპარავთ, ერთმანეთს ტყუილს ნუ ეტყვით, ლაპარაკის დროს ტყუილ-უბრალოზე ნუ იფიცავთ. მარდა ამისა, ეკლესიაში იარეთ. მე ხშირად გხე-

დავთ თქვენ, რომ თქვენს ეკლესიაზე დიდი ხანია დარეკეს წირვის, და თქვენ კი ქუჩებში დაეხეტებით. ქუჩებში ტყუილ-უბრალოდ არ უნდა გაჩერდეთ და ნამეტურ წირვის დროს რა გინდათ ქუჩაში? თქვენ იცოდეთ, რომ აქ ამ სასწავლებელში, წმიდა ტრაპეზის მსახურებისთვის გამზადდნენ და როგორი ტრაპეზის მოსამსახურე იქმნებით, თუ პატარაობიდან არ მიჩვევით ეკლესიაში სიარულს. თქვენ უმეტესად სასულიერო წოდების შეილები ხართ და სირცხვილი არ არის, რომ ეკლესიაში არ გიყვარდეთ სიარული! თქვენ პატარაობიდან უნდა მიჩვეოთ ეკლესიაში სიარულს; დარეკონ თუ არა კვირა-უქმე დღეებში ზარი, მაშინვე გაიქცით ეკლესიაში სალოცავად. მე შარშანაც გითხარით თქვენ და ესლაც გეუბნებით, რომ ამ თქვენი სასწავლებლის ახლო-მახლო პატარა ბავშვის და სხვა ხის ტოტებს ნუ სჭრით, ნუ ამტვრევთ, თორემ მერე ეს თქვენთვის იქნება საზარალო, — ჩირგვები და ხეები რომ აღარ იქმნება, მაშინ მარტო მოტიტულეული მიწა დარჩება, რომელიც მზისგან გახურდება და ჰაერსაც გაახურებს, ძიდე გაგიმეორებთ, რომ კარგად ისწავლეთ; იცოდეთ, რომ თქვენ სწავლისთვის ჩამოგიყვანეს ამ სასწავლებელში, ძარგად სწავლა თუ გინდათ, ბეჯითად იარეთ სასწავლებელში, ყურადღებით ისმინეთ მასწავლებლის სიტყვები, თუ რომელიმე სიტყვა არ იცოდეთ, ადექით და მასწავლებელს ჰკითხეთ. სიწმინდე გიყვარდესთ. რაც გაცვიათ, წმინდათ იქონიეთ. ძვირა-უქმე დღეებში ეკლესიაში იარეთ.“ ამ სიტყვების შემდეგ შდ. სამღვდელმაც ჯვარი გადასახა შევირდებს და აკურთხა ყველანი.

სრული იმედია, რომ სწავლის საკმე ამ სასწავლებელში ამის შემდეგ კარგად წავა. ახალი სასწავლებლის ზედამხედველს წელს სწორეთ, უნდა ესთქვათ მართალი, რიგიანად ექირა თავი. ამ წელში ადგილის უქონელობისაგან ბევრს ეთქვა უარი კლასში მიღებაზე, მაგრამ არავინ მომდურავი ზედამხედველისა არ წასულა, რადგან ის მეტის-მეტად ზრდილობიანად იღებდა ყველა მთხოვნელებს და უცხადებდა პატივ-საღებ მიზეზთა, რომელთა-გამოც მათი შეილები არ მიიღებოდნენ სასწავლებელში. იმედია, სამღვდლოებას აუსრულდება ის მოლოდინი, რასაც ბ. ტატიევისაგან მოელოდნენ. მსეც უნდა ესთქვათ, რომ ბ. ტატიევისაგანაც დიდი შრომა და გამჭრიახობა არის საჭირო ამ მოლოდინის გასამართლებლად.

ლექსები

ჩვენს ყველა კარგათ უნდა იცოდეს, რომ ლექსებისა და მცირე ლარიები და სწავლა-განათლებით ნაკლები მხარე ძალიან ცოტა მოიპოვება მთელს კავკასიაში. ადგილის მდებარეობითაც სწავლის თითქმის უსწორ-მასწორ, მთა-ტყიან სურათს წარმოგვიდგენს ლექსები. ლექსები ათ სამამასახლისოდ განიყოფება. მთელს ლექსებში სულ ორიათას შვიდას ოთხმოცდაცხრამეტ კომლამდის იქნება. ამით დიდის მეცადინეობით და გაჭირვებით, როგორც იქნა, 1873 წელს ძლივს გახსნეს რვა ლარიები სახალხო სასწავლებელი. სასწავლებლებს პირველად არა ერთარი საშუალება არა ჰქონდათ სასწავლო ნივთების მოპოვებისა. ლექსების ხალხის სიღარიბე მიიღო სახეში სახალხო განათლების მართებლობამ და იმ თავით ყოველნაირი მიუცილებელი საჭირო სახელმძღვანელო წიგნები და სურათები სასწავლებლებს უფასოთ გამოუგზავნა და ამ საშუალებით სასწავლებლები თავის დანიშნულების აღსრულებას შეუდგნენ. მას შემდეგ დიდ სიკეთეს უშვებდა და საკმაოდ აძლევს სკოლებს მუქათათ სხვა-და-სხვა საჭირო და სასარგებლო სკოლის სასწავლო და სახელმძღვანელო წიგნებს წერა-კითხვის გამავრცელებელი საზოგადოება. მასწავლებლები უმეტეს ნაწილად სასულიერო უწყებისა არიან. მთითოეულს მათგანს 160 მანეთი ჯამაგირი აქვს დანიშნული. ლექსების სახალხო მასწავლებლების უსაშუალო და გაჭირვებულს ცხოვრებას სამძღვარი არა აქვს. აქამომდე ცოტათი მაინც ასრულებდნენ სკოლები თავის დანიშნულებას და, ბევრად თუ ცოტად, მაინც შეამჩნევდით მათში სწავლას. ს. ჰყვისის და მრბელის სახალხო სკოლების მასწავლებელთა კარგა საქმის წაყვანისათვის წასრულს 1883 წელს უმაღლესმა მართებლობამ ჯილდოთ გამოუგზავნა მათ ოთხმოც-ოთხმოცი მანეთი. ს. ალბანისა და ღერჩის სკოლები სამწუხაროდ, წელიწადი გადის რაც დაიკეტენ და სწავლა მათში მოისპო. როგორც ამბობენ და ხმა არის: მღვწების სურვილია, რომ სკოლებს თავი დაანებონ და მათი ხარჯი და დავიდარაბა თავიდან მოიშორან. იმერთმა ნუ ჰქნას, რომ ამისთანა მანე აზრი ხალხში მართლა დაბადებულიყოს.

სასულიერო მხრითაც ლექსები არა სანატრელ სურათს წარმოგვიდგენს. ლექსების მაზრა სამ საბლაღოჩინოდ განიყოფება. ლექსებში ორმოცდაათი შტატის ეკლესია არის და ოცამდის ზედმიწერილი; ამათში ხის ეკლესიებია 25. მრის წილი მეტი ეკ-

კლესიებისა ახალ პლანზეა აშენებული. მთელს ლექსების ეკლესიები საზოგადოდ ლარიბი არიან და დიდი ნაკლულები აქვთ, მაგრამ წინეთ ეკლესიების ლარი და უსაშუალო მდგომარეობას გამშენებით, ბევრად თუ ცოტად, ეხლა სჯობიან. მთელს ლექსებში ძველი ძეგრფასი ნივთებით, მორთულობით და სიმდიდრით მარტო სამი ეკლესიაა შესანიშნავი: მკურების, ლილაშის და ლამეჯინის. ამ უკანასკნელში ისეთი დიდროანი და ძეგრფასი თვლებით მორთულ ხატსა და ჯვარს ნახეთ, რომ ადგილიდან სამი-ოთხი კაცი თითოს თუ დაძრავს. მღვდლები ლექსებში 60-მდის იქნება. მთითოეულს ეკლესიაზედ კრებული ერთის მღვდლისა და ერთის პრიტვიკისაგან შესდგება. ლექსებში მთითოეულ შტატის მღვდელს 40—60 კომლი ჰყავს. მღვდლების შემოსავალი დრამა არის 2 მანეთი ფული კომლზედ; ზღვნიდან მიცვალებულის საწირავი ხუთიდან რვა მანეთი და ჯვარის საწერი ორიდან ოთხ მანეთამდე და ამასაც სამღვდლოება დიდის გაჭირვებით იღებს. ამისთანა ლარი და მცირე მრევლში მესამედი მეტი თითქმის თავად-აზნაურობა იქნება, რომელნიც სამღვდლოებას დრამას არ აძლევენ. სხვა შემოსავალი სამღვდლოებას მრევლთაგან სრულიად არაფერი აქვთ. საზოგადოდ ლექსების სამღვდლოების ცხოვრება და მდგომარეობა სარჩოთი ძლიერ დაცემული და გაჭირვებულია. სებისკრები და ზედაში ეკლესიებში უმეტეს ნაწილად სამღვდლოების ოჯახობიდან უფასოდ იხარჯება. მღვდლები ადგილობრივ მცხოვრებთაგან არიან; აქეთ თავისი საკუთრება ადგილ-მამული, თავათ მუშაკობენ: ხენენ, თესვენ და მამულებს აკეთებენ და ცოტას ლარი და მცირე სამრევლოდამ შოვობენ. ამ საშუალებით, როგორც არის გაჭირვებით თავის ცოლშვილს არჩენენ. ეკლესიის კრებული უმეტესი წილი ძველი დროისა არიან და მარტო ქართული იციან. რაიცა შეეხება სამღვდლოების მათი მოვალეობისა მებრ სამრევლოში მსახურებას, ეკლესიებზედ ზრუნვას და თავის ხარისხისამებრ სიწმიდით ცხოვრებას, — სწორეთ საქმენი არიან.

მლ. 6. ზრუიძე.

დღეობა ზერის-ძუარში.

ეს ღრმა პატივის-ცემა სალოცავებისადმი, რომელიც გამოიჩინა მთელმა ევროპამ მე-XII და მე-XVII საუკუნეებში, ნელ-ნელა დაიწყებას მიეცა დასავლეთ სამეფოებში, მაგრამ ჩვენს საქართველოში კიდევ მხურვალედ სრულდება. სამწუხაროდ, ამ ბოლო-დროს ამ წმიდა და წრფელმა გრძნობამ, სალოცავების პატივის ცემისამ, სხვა ხასიათი მიიღო. ძველი ქართველი მიდიოდა დღეობებში სალოცავად, ეხლანდელი ქართველი ნამეტნავად მიდის მხოლოდ საქეიფოდ. ჩვენგან მოხსენებული ზერის-ძუარი (ჯერი-ძუარი) იმყოფება ზოგის მასხრის ოსეთში, ერთ მაღალ კლდის წვეროზე. იქვე ძუარის გვერდზე იმყოფება აწ დანგრეული კოშკი. თვით ეკლესიის აღმშენებლად ოსები ჩვეულებრივ „თამარ-მწყნარს“ სთვლიან, მაგრამ იგი დანგრეული კვლავ აღუშენებია „ოსურ სასულიერო კამისიას“ 1818 წელს.

ძინელად მოიპოვება ზოგის მასხრაში და საზოგადოდ მთელ ქართლშიაც (არბოს მეთი) იმისთანა სალოცავი, რომელშიაც მოდიოდეს იმდენი მოლცველები, როგორც ზერში. ამ სალოცავს ესტუმრებიან ხოლმე თვით „ოქროს ფოთლიდამაც“ (ძახეთილამ), თრიალეთილამ, სოფ. ლილოდამ (თბილისის მასხრაში), სადაც გარდასახლებული ოსები სცხოვრებენ და სხვ. ჩვენ დავესწარით მარიამობის-თვის 26-ს ამ ძუარის დღეობაზე.

ოკანასკნელი ოქროს ფეროვანი სხივი-ლა ეალერსებოდა ამ ძუარს, როდესაც მე და ჩემი თანამოგზაური ბიტა ცნენებით ავდიოდით ერთ ვიწრო ბილიკზედ და დიდი მანძილიც აღარ გექონდა გასავლელი წმიდა ალაგამდის. ზაზუდ შემოგვხვდებოდნენ ხოლმე მრავალნი ქართველნი, რომელნიც წინ მიერეკებოდნენ ბატკნებს სამსხვერპლოდ. სიტყვაზე „გწყალობდეთ“!, მათგან გამოისმოდა ჩვეულებრივი გულ-წრფელი ქართველური სალაპი: „თქვენი მწყალობელიც იყოს“! მობინდა, ჩვენ ავედით ძუარში. მყუდრო-მკედარმა ბუნებამ ქართლის ახლო-მახლო სოფლებისამ, აქ სხვა ხასიათი მიიღო: გრილი ლიახვის ქარი გვიბერავდა ხეობიდან და საზამთროდ მოგვაწყო.

ღამე იყო მშვენიერი. ზანიერი მინდორი სალოცავის წინ ერთბაშად აიშრა ცეცხლებით; ზურნის, მუზიკა-ღირის ხმა, ლეკური, სუფრული და „წმიდა ბიორგო ცხოველო, შენს სალოცავად მოველო“-ს სიმღერა უნებურად მოიყვანდა კაცს აღტაცებაში.

ზოგო-ახლოდამ, მთვარით განათლებულ ღამეში, ჩვენ გადმოგვყურებდა ვერცხლის-ფეროვანი მოხუცებული ბრუთი-საბძელი, რომელსაც თითქო ესამონებოდა ხალხის პატივის-ცემა თავის მოძმისადმი (ბრუთი-საბძელიც ძუარია)...

ჟრძელი ბაასის შემდეგ მღ. ზრ. და ალ. მოქო-შვილებთან, რომლებმაც ბევრი საინტერესო ცნობები გადმოცეს ამ ეკლესიაზე, მის წარსულზე და სხ. ჩვენ დავრჩით მეორე დღეამდე.

სხვათა ზოგის, მე უნდა ვაცნობო მკითხველებს ის საშუალება, რომელსაც ოსები ხმარობენ შეშლილების მორჩენისათვის ამ ძუარში. შეშლილს (ქალია თუ კაცი) გაატიტვლებენ ხოლმე სულ მთლად, შეჭრავენ თოკებით და ჩაუშვებენ ერთ მაღალ კლდეზე, ზევიდამ სცემენ, აგინებენ, ესერიან ქალაღით გატენილ ტამაჩებს და ზევიდამ დასძახიან: „გვითხარი, რა ჰქვია შენს ეშმაკებს, თორემ მოგვკლამთო!“ საწყალი, როდესაც მეტის-მეტად შესწუხდება და უფრო შეიშლება ჭკუაზე, ისერის რაღაც სიტყვებს, რომელთაც ოსები ქალაღზე დასწერავენ ხოლმე და ცეცხლში ჩაადებენ, „ესლა მორჩებაო!“, მაგრამ მორჩენის მაგივრად ზოგჯერ ამისთანა პირნი საუკუნო განსვენებასაც მიეცემიან ხოლმე.

ზღგილობრივი მღვდელი მ. ზრ. მოქოვეი, რომელიც, პირ-მოუთენელად რომ ესთქვათ, ერთ საუკეთესო წარმომადგენლად ჩათვლება ზოგის მასხრის ოსეთის სამღვდლოებისა, ბევრი ებრძოლა და ებრძვის ამ ჩვეულებას და შეამოკლა კიდევ ამისთანა ცრუმორწმუნოების რიცხვი; ჩემ იქ ყოფნის წინა დღესაც ამოეყენათ ერთი შეშლილი ოსი, ჯიბალაშვილი, კლდიდამ გარდასაშვებლად, მაგრამ მ. მოქოვის სიტყვებმა გამოაცვლევინეს განძრახულება და იგი დაბრუნდა შინ.

ჟერის-ძუარში რომაელების Pontifex-ებისაგან იმყოფებიან „დეკანოზებიც“, მაგრამ აქ მათ ისეთი მნიშვნელობა და გავლენა არა აქვს, როგორც სხვა ოსეთის ძუარებში.

ბიორგი ლიახველი.

ქრისტიანობის გავრცელება საქართველოში.

XII.

ჟღერდებიან ღმერთი დაუდგა საქართველოს დიდის და უძლიერესის თამარის მეფობის დროს. მან თვისის გამჭრიახობით და სიბრძნით მტკიცედ შეაერთა და შეაკავშირა ყოველნი ქართველნი. მაჟაც მხედართა გონიერად მოხმარებით დაიპყრა ყოველნი მიდამონი შავი და ძასპის ზღვისანი და შიშის ზარი დასცა ოსმალთა (თურქთა), სპარსელთა, მთიულთა და სხვათა. თამარმავე დაიპყრო მცირე აზია *) და დაარსა აქ ტრაპეზუნტის იმპერია, რომლის გამგებელად დასვა თვისი ნათესავი, ძეგლადგან საქართველოში გადმოსახლებული ბერძენთა იმპერატორთ ჩამომავალთაგანი პანდრონიკაშვილი. ასეთი სიძლიერე ჰქონდა თამარსა გარეშე საქმეებში.

ძაიც შეეხება თამარის მოღვაწეობას ქართველთა ერის წინ-სვლისა, და წარმატებისათვის, ამის აღწერას და დაწვლილებით გამოძიებას მთელი ტომები მოუწოდება, ამიტომ ჩვენ აქ აღვნიშნავთ მხოლოდ ამ საკვირველი დედა-კაცის უმთავრეს საქმეთა და მოღვაწეობათა.

ჟამფეხვისავე თანა თამარმან, როგორც პატრონმა და მამამან ქვეყანისამ, წინ წამოაყენა და მფარველობა დაუწყო ყოველთა ნიჭიერთა და სწავლა-მეცნიერებით აღჭურვილთა პირთა. რაც ძალი და ღონე ჰქონდა ყოველი მეცადინეობა იხმარა მიეცა მათთვის შეძლება, რათა თვისი სწავლა-მეცნიერება, გამოცდილება კეთილად მოეხმარათ მამულის წარმატებისათვის. ამნაირის მფარველობის და მამობრივი სიყვარულის გამო **) საქართველოს

*) მიზეზი ამის იყო ბერძენთა იმპერატორი ალექსი ანგელი, რომელმაც, თვისის სიხარბისა-გამო, თამარისაგან დასაჩუქრებული ბერძენთა ბერებს წაართვა ყოველივე, რაც მოჰქონდათ საქართველოდგან. თამარის ბრძანებით იმერთა ჯარნი მიუხდენ ბერძენთა და ერთი შეტევით აიღეს ტრაპეზუნტი, ლიონი, სამსუნი, სინოპი, კერასენდი, ქიტორა, ამასტრია, ღერაკლეა ჰაფლადონით და პონტი. აქ თამარმა, როგორც ვსთქვით, დაარსა ტრაპეზუნტის იმპერია (1204 წ.), რომელიც არსებობდა 1461 წლამდე. ტრაპეზუნტი აღშენებულია ბერძენთაგან. იმპერატორმა ადრიანმა გაათავისუფლა აქ დიდი ნათესავადელი. ეს ქალაქი ერთ დროს ეჭირათ გოთებსა, შემდეგ ორ საუკუნეს გენუელებსა და იყო და არის ეხლაც სავაჭრო ქალაქი.

**) არ შეგვიძლიან აღვნიშნულად დავტოვოთ ის გარემოება, რომ თამარის გამეფებამდის წინა მეფეებისაგან უკვე რამდენიმე იყო მომზადებული ის ნიადაგი, რომელიც ნიჭიერმა თამარმა კეთილად მოიხმარა და მისცა ქართველებს სახსარი აღმოეჩინათ თვისი ინდივიდუალური სახე.

გამოეზარდნენ შესანიშნავნი და უკედენი მოღვაწენი, როგორც სამხედრო წოდებაში, ისე საეროში და სასულიეროშიაც. იოანე და ზაქარია მხარგრძელები—სპარსელნი საქართველოს ჯარისანი, შოთა რუსთაველი, ჩახრუხაძე, შათელი და იმ დროინდელი გუნდი სასულიერო წოდებისა უკედენი არიან ჩვენი ერის ისტორიაში და სახსენებელი მათი საშვილიშვილოდ გადაიცემის. თამარის დრო (1184-1212 წ.) ოქროს ეპოქად არის ჩაწერილი საქართველოს ერის ცხოვრების ისტორიაში.

ეს დრო კეშმარიტად იყო ქართველთა სულიერის და ზნეობრივის ზრდისა და წარმატებისა. ამ დროს დაიწერნენ უკედენი თხზულებანი, იქმნენ საკვირველნი ძლიერნი მრავალთა ჩვენთა მტერთა ზედა, გაშენდნენ ქალაქ-დაბა-სოფელნი, *) დიდნი და მრავალნი ტაძარ-მონასტერი და მათთან ერთად სკოლანი ხალხის გასანათლებლად, გაყვანილ და გათხრილ იქმნენ რუნი, არხნი **) ურწყავ ადგილების მოსარწყავად და მოსაშენებლად; ქვეყნის დასაცავად მტრების შემოსევისაგან მაღალ მთების მწვერვალთა ზედა აგებულ იქმნენ კოშკნი, ციხენი, თხრილნი, გამოქვაბულნი, საკვირველნი გალავანნი და კარები; ეკლესიის საქმეების განსაწმენდლად და გასაუმჯობესებლად მცხეთაში მოწვეულ იქმნა კრება სასულიერო პირთა, რომელნიც ჩინებულად აღზრდილ იყვნენ ბრძენის ზიორგი მთაწმიდელის სკოლაში—თბილისში.

ჩვენი მონასტერ-ეკლესიანი იმდენად მდიდარნი და განწყობილნი იყვნენ, რომ თამარი საზრდოს მიაწვდიდა ხოლმე ბერ-მონაზონთა, მონასტერ-ეკლესიათა უცხო ხალხთათა: ბერძენთა, ასურელთა და სხ. თამარმა აღაშენა, განაახლა და შეამკო ტაძარ-ეკლესიანი ქართველთა, აგრეთვე პალესტინას, იერუსალიმს, ძეიპრეს, ანტიოქიას, ათონს, საზოგადოდ საბერძნეთს და მცირე აზიას. შეელა ამათ ხაზინის მიწვდის გარდა „უყიდნა შესავალნი და შესწირნა მამულნი და სოფელნი.“

*) სხვათა შორის, თამარმა ააშენა ქალაქი თამარა-შენი ლიხავის ხეობაში. ეს ეწოდა სოფელია. ავაო სამების ტაძარი ალაზნის მარცხენა ნაპირზე, დაბა ალვანში, საცა მას ჰქონდა მშვენიერი სისახლე. დაასრულა აღშენება ვარქიის კლდეში გამოკვეთილ მონასტრისა, აგრეთვე გაამშვენიერა გაენათის მონასტერი და სხ.

**) ყველაზე დიდი არხი, მისგან გაყვანილი, იყო ის არხი, რომელიც ალაზნიდან შირაქის ურწყავ ადგილების სარწყავად გაყვანილიყო. ესლა იგი გაუქმებულია და რამდენიმე მილიონი მანეთი დასჭირდება მის განახლებას.

შემდეგი მშენიერი ეპიტაფია მოკლედ გადმოგცემს მთელს შინაარსს თამარის მოღვაწეობისას:

„უბის ავაგე საყდარი, უწელას წყალი ვადინე;
ისპასნ დასდევ ბეგარა, სტამბოლს ხარაჯა ვადე;
თეთრ ზღვაში რგინა ჩავაგდე, სმელეთი ჩემსკენ
მოვიგდე;
ამდენი საქმის მოქმედან ცხრა ჯდლი ტილო წავადე“ *).

ამ თავის დასასრულში მოვიყვან ცნობებს იმ მონასტერ ტაძრებზე, რომელნიც ჰქონდათ ქართველებს გარეშე საქართველოსა.

ა) ჯვარის მონასტერი იერუსალიმში **) აღშენებულია მეოთხე საუკუნეში მირიან მეფისაგან. შობილია მისთვის აღგილი დიდს ქონსტანტინეს, ბერძენთა და რომთა მეფესა. მსევე მონასტერი და სხვანიცა განამდილა მეფე მახტანგ ბორგასლანმან და მეფე ბაგრატ III-მან საფუძვლითგან განაახლა, განამშენა და შესწირა მას დიდი მამულები საქართველოში. ამავე მონასტრისათვის მრავალი იღვწა

*) თამარი აღესრულა 1212 წ. 18 იანვარსა და ჰმარხია გაენათის დიდებულს მონასტერში. „ამ მთის (გაჭრილის მთა) ჩრდილოს კერძოდ და წყალ-წყითელას აღმოსავლით, გორის კალთას, არს ეგვლისა ყოვლად წმ. ღვთის-მშობლისა, დიდ-შენიერი, დიდ-ნაგები და ქმნული შიგნით სოფიის კეჩიითა, გუნებათანი, კეთილ-შეწიერს ადგილსა; აღაშენა აღმაშენებელ-მან დავით მეფემან და უწოდა სასუფეველს გენათი და აწ უწოდებენ გელათს. აქა არს ყოვლად-წმიდისა ხატი ხახულის ღვთის-მშობლისა, ლუკა მახარებელის დახატული, ყოვლად-წმიდის ძითვე და შემეული ძვირ-ფასითა ქვებითა აღმაშენებელისა ხა თამარ მეფისი. აქვე არიან ჯვარი და ხატნი ოქრო-ვეცხლითა და ქვითა შემეული ძველითვე მრავალი. ჰქონია ზღუდის კარი ზეჟსა მისსა რგინისა, აღმაშენებელის მოცანლი დარუბანდიდამ.“ აქვე არის შესანიშნავი, ძველი და ძვირფასი სახარება. „ამას შინა დაფულე არიან: აღმაშენებელი, გიორგი, თამარ, ლაშა, რუსუდან, დავით და სხ.“ შემდგომად საქართველოს განაწილებისა იფლვიდან იმერთა მეფენი. აქ იქდა ეპისკოპოსი, რომელსაც ექვემდებარებდნენ არგვეთის ნახევარი, ოკრიბა და ქუთათლის სამწყსონი.

თამარის მეფობაზედვე არის შედგენილი შემდეგი სახალხო ჰიმნი (საგალობელი):

„დედოფალი მადალ ხარისხოვანი
დიდება სოფლისა და სარწმუნოებისა
თამარ ასული გიორგისა
შემდეგ შესისისა

ღმერთმან აღიღოს ძლევაჲ მისნი.“

(იხ. Нумизм. Баратаева).

**) ამ მონასტერს დღესაც თბილისში აქვს თვისი კუთვნილი საყდარი, წოდებული „ჯვარის მამად“. აგრეთვე მთელს საქართველოში მიწები, ბაღები და მამულები. ყველა ამას განაგებს ბერძენი არხიმანდრიტი, რადგან ჯვარის მონასტერი იერუსალიმში ეხლა ბერძენთა ხელშია.

შავთის მცხოვრებმა ბერმა პროხორემ, რომელიც სიკვდილამდის ცხოვრებდა იერუსალიმში, ჯვარის მონასტერში. როდესაც მონასტერი დაძველდა, მაშინ იერუსალიმის მივიდა მოხუცებული შოთა რუსთაველი, დამწერი „მეფის ტყაონისა“ და დადგრა ჯვარის მონასტერში; მას განუახლებია იგი და შეუწირავს მისთვის „მრავალი სიმდიდრე“ და „თვითცა ვიდრე გარდაცვალებამდე თვისსა ყოფილ-არს მუნ, ლოცვითა და ვედრებითა მთისა მიმართ აღსრულებულ არს და მუნვე ჯვარის მონასტერსა შინა დაფლულ არს, სადაცა სახეც მისი არს მუნვე კედელსა ზედა დახატული და ჰგის, ვიდრე მოღვინდელად დღემდე.“

ბ) იაკობ ალუვეზის ათორმეტთა მოციქულთა მონასტერი აღუშენებია ბიორგი I-ს, საქართველოს მეფესა. „ზარაფხანა მეფეთა მუნ ყოფილა ამ მონასტერსა შინა... ქრთამის მიცემითა თურქთა ეს მონასტერი წაართვეს ქართველებს და მისცეს სომეხთა.“

გ) წმ. ნიკოლოზის მონასტერი ძაბთ-დედოფლის მღვწესაგან (მლისაბედი) არის აშენებული. ტიმოთე მიტროპოლიტი თავის მოგზაურობაში (128 გვ.) სწერს ამ მონასტერზე: „წმიდის ნიკოლოზის მონასტერი ძაბთა დედოფლისა, მღვწე ყოფილისა მლისაბედისაგან *) აღშენებულია; წმ. ნიკოლოზ თვით მჯდარა მუნ; სენაკი მისი მუნ ყოფილა.“ მკლესიის კანკელზე შემდეგი წარწერაა: „წმიდაო ნიკოლოზ, მეოხ-ექმენ წინაშე ძრისტესა ძაბთა დედოფალსა მღვწეს ყოფილსა მლისაბედს“ (იხ. Родъ княз. Челобаев. გვ. 23, პ. იოსელი).

დ) წმ. აბრაამ მამათ-მთავრის მონასტერი, სადაც, ისააკ შესწირა მამამან მისმან. ტიმოთე ამბობს (157 გვ.), რომელ თავადს აბაშიძეს ბიორგის დარღვეული ესე მონასტერი განუახლებია ახალს საუკუნეებში. ამასვე ჰმოწმობს წარწერა: „ესე მონასტერი მამათ-მთავრის აბრაამისა განახლებულ არს საფასითა იმერლის ბიორგი აბაშიძისათა 1700 წ.“

ე) წმ. იოანე მახარებელისა და მოციქულისა და ღვთის-მეტყველისა მონასტერი აღუშენებიათ საათაბაგოს ათაბაგებს. ეს ყოფილა დედათ მონასტერი და აქ ცხოვრებულან ქართველნი მოღოზნანი, ხოლო ეხლა ფრანგთა უპყრისთ. ამასვე არის წარწერა: „ძრისტე ღმერთო, შეიწყალე იოანე მსანაძე *).“

*) ედენე იუო დედა მეფის გიორგისა, რომელიც აგრეთვე იწოდებოდა ღვინად. ქმრის სიკვდილის შემდეგ ედენე 1492 წ. მოღოზნად შეიშო და წარვიდა იერუსალიმს და იქვე აღწოვლა.

**) მსანაძე იოანე საქართველოს ისტორიაში არსად არ იხსენება.

3) მასილის მონასტერი ჯვარის მონასტერთან ახლოს აღუშენებიათ. ამირინდო ამილახორს და მასყას.

ზ) მეორე წმ. ნიკოლოზის მონასტერი ჯვარის მონასტერთან ახლოს აღუშენებიათ პაატა და ძაიხოსრო წულუკიძეთ.

ც) წმ. თეოდორეს მონასტერი აღუშენებიათ ბეჟანს და ბადურ ჩოლაყაშვილებს (თიმ. 157 გვ.). წარწერანი მოგვითხრობენ: „ჩოლაყაშვილსა შადორსა და მათთა ძმათა და ძმის-წულთა ცოდენი მათნი შეუდგეს ღმერთმან, ამინ. წმიდაო თეოდორე შეუდგენე ჩოლაყა... ამინ. მათსა ყმასა შიოს შეუდგენეს ღმერთმან. ამინ.“ მეორე წარწერა: „ღმერთო და წმიდაო თეოდორე, შეიწყალე ირუბაქისწე... ლაყას შვილი ცოდვილი ბენა. მსე საყდარი აღეშენა ჩემთა მშობელთა შესანდობელად, რათა იქმოდენ აღაპსა თეოდორობის პირველსა შაბათსა წმიდათა მარხეთასა. ძორონიკონს ტკგ“ (1635 წ.).

თ) წმ. პირველ-მოწამის ქალწულისა თეკლას მონასტერი აღუშენებია ჯვარის-მამის არხიმანდრიტს ძრისტეფორე ზედგინიძეს და იმის მამეულთ ნათესავთა.

ი) მონასტერი წმ. ბიარგისა შრიათ უბანში ღადიანთაგან აღშენებულია და „მოსახსენებელი მათი მუნეე არს.“

კ) მონასტერი საუფლოს მირქმისა დედათ მონასტერი აღუშენებიათ რაჭის მრისთავთა.

ლ) წმ. დიდისა მოწამისა დიმიტრი თესლონიკელის მონასტერი აღუშენებიათ ძნის მრისთავს შალვას და სხ.

მ) მონასტერი დედათი წმ. დიდისა ქალწულ-მოწამისა მკატერინასი შანასკრეტელის სიციშვილის ამილბარისა და მაჩაბელთაგან არის აღშენებული. ტიმოთეს მისელის დროს (მე XVIII საუკ.) ამ მონასტერში უნახავს ილუმენია ანჩაბაძის ასული, ორი მოლოზანი კახელნი, აგრეთვე იმერელნი და „ყოველნივე მას მონასტერსა შინა მყოფნი ქართველნი.“

ნ) ბეთლემს არიან სამწირველონი ქართველთანი.

დ) ძალაქ იერისსოს (საბერძნეთში) ძველის ეკლესიის მარმარილოს ქვაზედ აწერია ქართულად: „წელსა... ღვთივ-გვირგვინოსანსა მეფობასა მიხეილ პალეოლოგოსისა... აღიშენა ქართველთაგან.“ აქვე ერთ დაძველებულ მაცხოვრის ხატზე პ. იოსელიანს წაუკითხავს: „ძრისტე, შეიწყალე ცოდვილი წილკნელ ეპისკოპოსი ღვთით, რომელმან მოეწაიე აქა ძორონიკონს კდ.“ (1336 წ.) 1768-1778 წწ. აქ

მჯდარა ქართველი ეპისკოპოსი ბაბრიელ ღვანკითელი, იმერელი *).

ო) ათონის მონასტერ-ლაფრა, საცა ითარგმანა სამღვთო წერილი, როგორც უკვე მოვიხსენიეთ.

ჟ) მოვიყვანთ შემდეგ ცნობებს:

ზემოაღნიშნული პროხორეს ლუსკუმა ასვენია ჯვარის მონასტერში და თვით პროხორე დახატულია მის კედელზე. აქვე ხატიან: მირიან, მახტანგ ბორგ-ასლანი, ბაგრატ III, კათალიკოსი აფხაზეთისა მაქსიმე, ტბილისის მიტროპოლიტი მლისე, მანგლელ არხიეპისკოპოსი თეოდორე, ბედიელი, ჯვარის მამა ნიკიფორე, მარიამ ქართლის დედოფალი, ღადიანი ლეონ თვისის მეუღლით, პაატა და ძაიხოსრო წულუკიძენი.

ჟ) აქვე ცხოვრებულან წმიდანი და გამოჩენილნი პირნი: მღვდელ-მოწამე მოსე ქართველი; მღვდელ-მოწამე მარი ქართველი, ღირსი მამა იოანე შირაქი-მელი, პეტრიწად წოდებული. ამას კახეთში, ქალაქ ბრემში ჰქონდა სკოლა და ასწავებდა მოწაფეთა: ფილოსოფიასა, ღვთის-მეტყველებასა, ელინურსა ენასა, ასურულსა, არაბულსა; აქვე უტხოვრიათ მრავ. სხვათა მოღვაწეთა.

ჩამებულან მუნ:

20 იელისსა სალომე, რომელიც მიუღებლობისათვის მაჰმადიანობისა შეუპყრიათ სარაცინთა, ცეცხლითა და მახვილითა უტანჯავსთ და მოუკლავსთ.

19 ოკტომბერს ნიკოლოზ დეალი, რომელიც თურქთა დასწევს ცეცხლითა.

23 იელისსა მღვდელ-მოწამე ლუკა აბაშიძე, რომელსაც მრავალი წვალების შემდეგ წარჰკვეთეს თავი აფთითა.

ჟ) ატონიშვილი თეიმურაზი თავის საქართველოს ისტორიაში (გვ. 294) ჯვარის მონასტერზე მოგვითხრობს შემდეგს: „არიან მრავალნი წიგნნი ქართულნი, თარგმნილნი ბერძნულით, ასურულით და არაბულით ჩვენთა ღირსთა მამათა ქართველთაგან, ჯვარის მონასტერსა შინა უმრავლესნი არიან და იცვიან მუნ ვიდრე მოდღეინდელად დღემდე და სხვათაცა მონასტერთა შინა ქართველთასა იერუსალიმს იპოვებიან წიგნნი ქართულნი.“

ჟ) ველა ეს წიგნნი და სხენებულნი მონასტერნი და ეკკლესიანი ეხლა უტხო ტომთ ხელშია. ძართ-

*) პ. იოსელიანი იმპოზს (Род. нн. Чел. გვ. 20), რომ ქალაქ იერისსოს მიდამოში მე XI საუკუნეში ქართველთა მეფეთ დასახლეს 42 კომლი ქართველნი მონასტერთა ჯგუფის მოსავლელად, მიწის შესამუშავებლად და ბაღების მოსაშენებლად. აწ ეს ქართველნი სრულიად შეერთებულნი არიან ბერძნებთან და აღარ გაირჩევიან მათგან.

უსამღვდელოესობის საქართველოს ექსარქოსის პავლე საგან. შესანიშნავა ჩვენმა მქადაგებელმა და მწუყესთამთავარმა, როგორც ყოველთვის, ამ შემთხვევაშიც, მლოცველებს უძღვნა მშვენიერი ორატორული სიტყვა, რომელიც მან წარმოსთქვა ეკლესიის კურთხევის გათავის დროს. მეუფემ თავის სიტყვაში მიუღოცა მოსწავლე ქალებს მშვენიერად მოწყობილ ახალ შენობაში გადასვლა და ახალი ეკლესიის კურთხევა, რომელიც ეკურთხა ღვთის-მშობლის ტაძრად მიყვანების სახელზე.

ეკლესიის კურთხევის შემდეგ იყო წარმოთქმული მრავალ-სამიერობითი მოხსენება პირველად ზელმწიფე იმპერატორისა და იმპერატრიცის, დიდი მთავრისა ოღლა თეოდორეს ასულისა, როგორც იმ სასწავლებლის მზრუნველისა და მფარველისა, ხოლო შემდეგ—უწმიდესი და უმართველესის სინოდისა, და იმის წევრებისა: ნოვგოროდის და პეტერბურგის მიტროპოლიტის ისიდორესი, რომელმაც დასდგა დასაწყისი ქალების სწავლისა საქართველოში, მოსკოვის და კოლომენის მიტროპოლიტის იოანეპესი, რომელმაც დააარსა ეს ქალების სასწავლებელი და დღემდის ბლომად სწირავს ფულს ამ სასწავლებლის სასარგებლოდ და, ბოლოს, მაღალ ყოვლად უსამღვდელოესის პავლესი საქართველოს ექსარქოსისა.

პირვის დასრულების შემდეგ ახალ ნაკურთხ ეკლესიაში მისი მაღალ ყოვლად უსამღვდელოესობა ექსარქოსი საქართველოსა, არხიეპისკოპოსი პავლე, მათი ბრწყინვალეობა დონდუკოვ-კორსაკოვი მეუღლითურთ, მწირველი სამღვდელოება, სამასწავლებლო კავკასიის ოლქის მზრუნველი და სხვანი მრავალნი წავიდნენ სასწავლებლის უფროს ის ნ. ნ. ტროფიმოვის ოთახებისაკენ და შემდეგ მან, ესე იგი, სასწავლებლის უფროსმა ქალმა დაარონინა სტუმრები და დათვალიერებინა მათ ყველა ოთახები სასწავლებლისა. მათი ბრწყინვალეობანი ძლიერ კმაყოფილნი დარჩნენ ყველა ოთახებით და სასიამოვნო შთაბეჭდილება გამოიტანეს ამ შენობის დახევისაგან.

შემდეგ გამართული იყო სადილი, რომელზედაც დაესწრო მთავარ-მართებელი მეუღლითურთ. სადილი უხვი იყო მრავალი საქმეებით და ძლიერ სიამოვნებით მიდიოდა, რადგან მასპინძელი მაღალ ყოვლად უსამღვდელოესი, არხიეპისკოპოსი პავლე ყველას დიდის სიამოვნებით და სიყვარულობით მიეგება. ბევრი სადღევრძელოები წარმოითქვა. პირველად, ჩვეულებისამებრ წარმოთქმულ იყო სადღევრძელო მისი იმპერატორებითი უდიდებულებისა და იმპერატრიცის, მეკვიდრის და დიდი მთავრისა ოღლა თეოდორეს ასულისა. შემდეგ დაილია სადღევრძელოები მათ მაღალ ყოვლად უსამღვდელოესობათა მიტროპოლიტის ისიდორეს და იოანეპესი. ამის შემდეგ მისმა ბრწყინვალეობამ დონდუკოვ-კორსაკოვმა მიირთვა სადღევრძელო მის მაღალ ყოვლად უსამღვდელოესობის საქართველოს ექსარქოსის პავლესი. საქართველოს ექსარქოსმა, ამის სამაგიეროდ, მიირთვა სადღევრძელო მათ ბრწყინვალეობათა. სხვა სადღევრძელოები იყვნენ წარმოთქმული სასწავლებლის წარმომადგენლის, სამასწავლებლო მზრუნველისა, საქართველოს სამღვდელოების სადღევრძელო, სასწავლებლის კომიტეტის ინსპექტორის, სპატიო მზრუნველთა და სხვათა პირთათვისაც, რომელთაც დამოკიდებულება აქვთ სასწავლებელთან. ბოლოს

დადიეს სადღევრძელო ბ. ჟურიდრის ზეტცერისა, რომელმაც აშენებისათნავე მიჰყიდა საქალო სასწავლებელს ეს შენობა ძლიერ იაფ ფასად, ორმოცი ათას მანეთად. სამ საათზე სადილი გათავდა და მათი ბრწყინვალეობანი წაბრძანდნენ შინ, ისურვეს რა ყოველი კეთილი ამ სასწავლებლისათვის.

სხვა-და-სხვა ამბავი და უნისშენავი.

სეკდემბრის 23-ს მისმა მაღალ შოვლად უსამღვდელოესობამ საქართველოს ექსარქოსმა არხიეპისკოპოსმა პავლემ აკურთხა ახლად აღშენებული თფილისის ღიდუბის ეკლესია. ნაწირვებს საქართველოს ექსარქოსი სამღვდელოებითა მიწვეულ იყო ამ ეკლესიის მღვდლის მამა ბესარიონ ზედგინიძისაგან სადილზე.

ემას წინეთ ვაცნობეთ ჩვენ მკითხველებს, თუ როგორ იქცეოდნენ და როგორ უწყსოთ მიჰყავდათ სანთლის ვაჭრობის საქმე სხინვალელ სოფლებს. ამის შესახებ საქართველოს ექსარქოს არხიეპისკოპოსს პავლეს მოუხდენია სასტიკი განკარგულება, რომ ამიერიდგან მოსაბილ იქმნეს უკანონოდ სანთლის ვაჭრობა სომეხთაგან მართლ-მადიდებელ ხალხში...

ჟიორგი ლიხველი ჩვენ გვთხოვს შემდეგი წერილის დაბეჭვდას:

16 მარამობისთვის სოფ. ორტევის ბლალაჩინმა მ. შილიშვილმა სთხოვა თავის სამწყსო ოსებს, რომ იმისთანა ჩეულებსათვის, როგორიც არიან: ხარსაგა და ირადი თავი ღენებებით. მცხოვრებლებს თითქო მოეწონათ ეს რჩევა, მაგრამ მათ პასუხში იხატებოდა შემდეგი აზრი: „მართა ჩვენ რომ გარდაესწყეიტოთ ესა, სხვა მოძმე ოსები დაგვცინებენ, და თუ ამაზე მთელი მხარე დასთანხმდა, ჩვენ ყაბულნი ვართ“.

1865 წ. მთელმა პატარა-ლიხვე მცხოვრებმა ოსებმა გარდასწყეიტეს მოესპოთ ზემოხსენებული ჩეულებანი და აქვე შედგენილი განაჩენი გარდასცეს მაშინდელ ორტევის ბლალაჩინს (აწ ზორის მაზრის სოფ. ძაბის მღვდელს) ს. ძანდელასკ. „ღროების“ ამ წლის № 52-ში ჩვენ ესთხოვეთ გამოცხადებინა მ. ძანდელასკ, თუ რა უყო მან ეს განაჩენი, მაგრამ მან პასუხი არ გაგცა. მსთხოვთ მ. ძანდელასკ, ენლა

მაინც გამოგვიცხადოს თუნდა „მწყემსის“ შემწეობითაც, თუ რა იქნა ის განჩინება, ან სად და ვისთან იმყოფება? — ის ჩვენთვის ესლა ძალიან საჭიროა.

ნეკტემბრის თვის 19-ს ქუთაისში მობრძანდა ქაჯაზის მთავარ-მართებელი ა. მ. ღონღუაძე-პორსაკოვი მეთულოთ. 20-ს ქუთაისიდან მათი ბრწყინვალეობანი წაბრძანდნენ ტელავის მონასტერში და დათვალდნენ ამ მონასტრის ძველისძველი ნივთები. მობრძანდნენ აგრეთვე მოწამეთის მონასტერში. მოწამეთის მონასტერში მათ დახვდათ, ამ მონასტრის წინამძღვარი, არხიმანდრიტი ბესარიონი, რომელმაც მიაართვა ხატი წმიდათა მოწამეთა ღვთის და მონასტრის წინესი და უთხრა მათ შემდეგი მოკლე სიტყვა:

„ბაქეს ბედნიერება მოგილოცოთ, თქვენო ბრწყინვალეობაო, მშვიდობითი მოგზაურობა. ალტა-ცებული ვარ სულიერი ნუგეშითა, როგორც თქვენი პირისპირი ხილვისა გამო, ისე თქვენი ამ მონასტერში მობრძანებოთა. სიანს, რომ თქვენ მოგიყვანათ აქ იმ სასოებაში, რომელიც გაქვსთ იმერთზე და მის წმიდანებზე. ბაკურთხოს თქვენ იმერთმან, მეფე და შემწე გეყოს თქვენ თქვენი ღიდი და მძიმე თანამდებობის აღსრულებაში წმიდანი მოწამენი არგვეთის მთავარი ღვთის და მონასტრის, რომელთა უხრწნელნი ნაწილნი აქ განსვენდნენ. მეფე გეყვოს თქვენ ივთის წინაშე და შემწე იყოს თქვენი მათის მეოხებით იმერთი, რათა კეთილად მართოთ და განაგოთ მხარე, რომელიც თქვენ მოგენიჭათ სამართავად ივთის განგებით. მიიღეთ, თქვენო ბრწყინვალეობა, ხატი ამა წმიდათა მოწამეთა, არგვეთის მთავართა, რომელთაც სარწმუნოებისათვის და მამული-სათვის თავისი სიცოცხლე დასდევს. მიმედოვნებთ ამასთან ქმებითურთ, რომ საფანე ესე არ მოაკლდება თქვენი ბრწყინვალეობის მფარველობას.“

ქაჯორი იწერებოდა რუსულ განცხადებაში, ყველა ეპარხიებში მდებარე მთავრებს მოუხდენიათ განკარგულება და ერთგულად შესდგომიან სამრევლო სკოლების დაარსებას. ხალხი სიხარულით მიგებებოდა ყველგან ამ ახალ მთავრობის განკარგულებას. ჩვენ შიდა იმედია, მალე მოხდება განკარგულება ამ საქმის შესახებ.

სწავლა და მასწავლებელთა კრისტიანობრივ სარწმუნოებასა და კათოლიკეობაზე.

მკვლარ-სოცხალი.

(მოთხრობა გრაფი მ. ტოლსტოისა.)

რუსულიდან.

(დასასრული).

სანაშენის შემდეგ — როდესაც ყველანი წავიდნენ, მე გავიგონე კეთილი სიტყვანეს ტირილი, რომლის ცრემლებიც წვიმასავით ცვიოდნენ ჩემს პირის სახეზე: „ვის დაგვიტოვე ჩემო მტრედო, მოთქვამდა მოხუცი, ჩვენ რაღა გვამეფლება უთქვენოთ. გვედრებოდი ყოველთვის, რომ გაფრთხილებოდი, მაგრამ შენ არც კი გაიგონებდი ხოლმე, დაგდუპს შენმა მეგობრებმა დვინით და ყოველ გვარ გარეკნილობით და ახლა იმათ შენი არაფერი ჯავრიც არ აქვსთ. მხოლოდ ჩვენ — შენი მოსამსახურენი დაგვიტოვეთ თავზე.“ ერთათ სიტყვანესთან სტიროდნენ ჩემი გულწებრივი ია — ის გუბერნიისანი, რომელნიც პეტერბურგში ბილეფიბით სცხოვრებდნენ. იმათ გულის წმინდით უყვარდი, რადგან არ ვაიწროებდი მათ მდგომარეობას და არ უმატებდი გარდასახადს. სინდისით ვამბობ, რომ ამას გვრებოდი დაუდევრობით. ფულიები სამყოფი მქონდა არამც თუ რაიმე ჩემ საჭიროებისათვის, არამედ ყოველ გვარ სისადაგლის შესრულებისათვის, რასაც კი ვისერებდი.

ჩი, ამ გვართ სად ვიპოვე გულწრფელი სიყვარული: უბრალო ხალხის — ყმების გულში! რასაკვირველია ეს გრძნობაც არ იყო უანგარო, მაგრამ იგი იყო მიუდგომელი მაინც.

მადგა გრძელი და გაუთენებელი დამე. მე დაუგდე უფრო დავითნის კითხვას, რომელიც ჩემთვის სრულიად უცნობი იყო. წინეთ არასოდეს ეს დვთაბრივი წიგნი არ გადამიშლია.

შენდამი უფალო ხმა ვყო, ღმერთო ჩემო, ნუ დასდუმნები ჩემგან, ნუ სადამე დასდუმნე ჩემგან ღმერთო ჩემო, რომელიც შენგან მდებარეა. ისინი უფალო ხმა კედრების ჩემის, კედრებსა ჩემსა შენდამი აღბრძნავს სჯლთა ჩემთას ცამრისა შენისა მიმართ წმიდისა. ნუ მიშვიდავ მე ცოდვილთა თანა ღმერთო ჩემო, ნუ თანა წამწევედ მე, რომელიც იტყვიან მშვიდობასა მოყვასისა მათისა თანა, ხოლო უკეთურებსა გულთა

შინა მათა... უფალი შექმნა ჩემდა და მფარველი ჩემდა მას ეხვიდა გული ჩემი და შეწევნულ იქმნა და მსიარულ იქმნეს ზოგნი ჩემნი და მე ნებითა ჩემითა აღუარა მას. (ფს. კზ. ა—ზ).

ოთხლო ნუ გულის წერამითა შენითა მამსილებს მე, ნურცა რისხვითა შენითა მასწავლი მე... (ფს. ღზ. ა—გ).

ორმათ მომხვდა გულში დავითნის სიტყვები. გულში ვიმეორებდი ამ სიტყვებს და მხერვალით ვლოცვილობდი. მთელი წასრული ცხოვრება წარმომიდგა თავად წინ, როგორც გადამდილი ტილო, დაფარული სხვა-და-სხვა ეწმინდერებით. რაღაც უცნობი წმიდა მიზიდებდა თავისკენ. მე მივეცი ჩემ თავს აღთქმა შენანებისა და გასწორებისა, აღსთქმა დავსდე, რომ დანარჩენი ცხოვრება შემეწირა ღვთის მსახურებისათვის, თუმცა ენდა შემიწყალებს და დამიფარავს ამ განსაცდელისაგან.

მა იქნება, თუ გადაწყვეტილია სიცოცხლისკენ გამოუბრუნებლობა? რა იქნება, რომ ეს ცოცხალ მკვდრობა არ გათავდეს და ცოცხალ - მკვდარი დამარხონ მიწაში? ახლა არ შემიძლია უველოფერის გამოთქმა, რასაც მე ვგრძნობდი ამ საშინელ დამეში. მხოლოდ მოგახსენებთ, რომ მეორე დღეს სტეფანე შენიშნა ჩემს თავზე ახალგაზდა ხეჭუჭ თმაში მთელი მუჭი გაჭაღარავებული თმა. ამის შემდეგ, როდესაც წარმოვიდგენდი ძილში იმ დამეს, რომელიც კუბოში გავატარე, წამოვარდებოდი ხოლმე ზეზე, როგორც გიჟი შემამრუწნებელის დრიალით და ცივი ოფლით დაფარული. დადგა დილა და სულიერი ტანჯვა კიდევ უფრო გაძლიერდა. მე უნდა მომესმინა ჩემი სასიკვდილო განჩინება. ჩემს ახლოს ამოვბდენე: „დღეს საღამოს გავასვენოთ და ხვალ კი დავასაფლავოთ ნევის მონასტერში!“ დილის — ჰანაშვიდზე, ვიღამაც შენიშნა ოფლის ცვარი ჩემს პირის სახეზე და მაშინვე ექიმს აჩვენა. არა, სთქვა ექიმმა, ეს ცივი ორთქლი არის ოთახის სიმხურვალისა. მომიკიდა ხელი მაჯაში და სთქვა: „მაჯა ადარ უცემს, ეჭვი არ არის, რომ ეს მკვდარია!“

ჰამოუთქმელი ტანჯვა — მკვდრათ ითვლებოდე, ელოდებოდე კუბოს თავს დახურვას და დაჭედვას და არ შეგეძლოს სიცოცხლის ნიშნების გამოჩენა, არც შეხედვით, არც ხმით და არც მოძრაობით. მე ვგრძნობდი, რომ ძალა ჩემი თან-და-თან სუსტდებოდა. ადარ არის იმედი! საშიშარმა თავი განწირულებამ და უიმედობამ

შემიპყრო. მაგრამ სჩანდა, რომ ჩემი მფარველი ანგელოზი მიფარავდა. რაღაცა შინაგანი გრძნობა გულს მითქვამდა წამეკითხა ღოცვები იმ სადმერთო სიტყვებით, რომელიც მესმოდა კუბოში წოდის დროს.

„იმერთო ჩემო შემიწყალე, მამატიკე რადგან ვიღუპები... ცუდ ვარ, უწმინდური და მრავალ და დიდ ზრან ცოდვანი ჩემნი, მაგრამ მოწყალება შენი განუზომელია. შემიწყალე მე ღმერთო! რამეთუ ძალნი ჩემნი შეპრუწუნებულ ზრანს. მომანიჭე მე დრო, რათა განვიწმინდო სინდისი და გავასწორო უწინდური ჩემი ცხოვრება. შენი ვარ საუგუნოთ შემიწყალე მე.“

ქმ ნაირათ ვლოცვილობდი გულ-წრფელათ დაბნედილი და შეწუხებული სიკვდილის მოლოდინით.

ჰავიარე კიდევ რამოდენიმე საათი ამ ტანჯვაში, მაგრამ მეტი ადარ მილოცნია გაცოცხლებას. მე ვსთხოვდი ღმერთს წყნარს სიკვდილს, რომ განვთავისუფლებულიყავი ამ გვარ საშიშარ ტანჯვებიდან. თან-და-თან დამშვიდდა ჩემი სული ღოცვებით. უველა ეს საოცრება სიკვდილის მოლოდინით მერვენებოდა მე ჩემ დასასჯელად ცუდი ცხოვრებისათვის. მე მთლათ მივემდე ღმერთსა და ვსთხოვდი ცოდვების მოტეხვას. ამ გვარ გრძნობაში ვიყავი სადამოს ჰანაშვიდის დროს, როდესაც მკვდრობები გადობდნენ ჩემზე:

„ჰატი ვარ უხაზღრობის დიდების შენისა მეუფეო, დადგა თუ მმოსიან მე წყლულებანი შეცოდებათანი შემიწყალე ქმნილი შენი, და განმწმინდე მე სასიერებითა შენითა და საწაღელისა მის მამულისა მკვიდრობა კვლად მომანიჭე მე.“

სანაშვიდი გათავდა და ვიდაცეებმა ამიღეს კუბოთი. ამ დროს როგორღაც შემამძრიეს და ჩემი გულიდან უნებურათ ამოისმა ოხვრა. — ერთმა უთხრა მეორეს: მიცვალებულმა თითქო ამოიოხრა? არაო, უთხრა მეორემ, შენ ევრე მოგეჩვენაო. ჩემი გული განთავისუფლდა რაღაცა შემავიწროებელ სენისაგან და მე ხმა მაღლა დავივირე. უველა მოცვინდენ ჩემთან. ექიმმა უცებ გამიხსნა შენდირი, დამადგა გულზე ხელი და განკვირებით სთქვა: „გული სცემს, სუნთქავს, ეს ცოცხალია! აი გასაგვირავი შემთხვევა!“ მაშინვე გადამიტანეს საწოლ ოთახში, გამხადეს, ჩამაწვინეს ქვეშაგებში და დამიწყეს ტანზე სმა რაღაც ნაირ სპირტებისა. ჩქარა თვალებიც გამოვხილე და პირველად მაცხოვრის ხატი დავინახე, ის

ხატი, რომელიც (როგორც შემდეგში შევტყუე) საწიგნოებელზე ესვენა ჩემი კუბოს თავით. ცრემლის ნაკადულები დღელსავით გადმოამდიოდნენ თვალებიდან, მაგრამ მაინც ვერ ამჩალებდნენ ჩემ გულს. კრაოტის წინ იდგა სტეფანე და სტიროდა სიხარულით. ჩემთან იდგა ექიმი და მარცხებდა წყნარათ ვყოფილიყავი. მან ჩემი მდგომარეობა არ იცოდა. ექიმის შემწეობა ჩემთვის სრულიად საჭირო აღარ იყო.

ზნაღებზედა ჩემი ძალა თან-და-თან ძლიერდებოდა, მხოლოდ ამით მადლობე დღივით ექიმისა, რომ მან ჩემი თხოვნით აღარავინ შემოუშვა ჩემთან, რომ არ შევეწებებინე ავთ-მყოფი.

სრულიად მარტო გავატარე რამდენიმე დღე. არ დამინახავს არც ერთი სხვა პირი. სასიხარულოთ და სულიერ საზრდოთ მქონდა დავითის საგალობლები. იქიდგან ვსწავლობდი ღმერთის ცნობას, მის სიყვარულს და მის სამსახურს. მრავალი ნაცნობები მესვოდნენ კარებზე, რომ შეეხებათ გაცოცხლებულ მკვდრისათვის.

ჟოველ დღეს მოდიოდა ჩემი დანიშნული სასიამაო. ის, სჩანდა, სცდილობდა რომ არ გაეშვა ხელიდან სასარგებლო საქრმო თავის ქალისა; მაგრამ მე არავის არ ვღებულობდი.

სირველი საქმე ჩემი მორჩენის შემდეგ, იყო წმიდა საიდუმლო ზიარების მიღება მომზადებით. სულიერ ცხოვრებაში გამოცდილი მღვდელი მ. მ.— იყო ჩემი მოძღვარი; იმან დამამკვიდრა ჩემს გარდაწყვეტილებაში, მიმეტოვებინა კველაფერი, რაც კი ამ სოფელში მიიზიდავს გაცს და შევდგომოდი სულის საქმეს.

მაგრამ ჩქარა ვერ მოვრჩი ამ წუთის სოფლის საქმეებს. კველაზე უწინ გავჩქარე ჩემს საცოლოსთან და გამოეცხადე, რომ მე პატივი აღარ მაქვს მათ სიძეობისა და ღამაზი ქალის ქმრობისა.

შემდეგ გამოვედი სამსახურიდან, განვათავისუფლე ის—ის გლეხები, გავუდიე კველაფერი, რაც რომ მოძრავი გამაჩნდა და მივეცი კეთილი გზა ადებულ ფულებს. დანარჩენი მამულები გადავეცი კანონიერ მემკვიდრეთა. ამ გვარ შრომაში გავიდა მთელი წელიწადი. ბოლოს განვათავისუფლდი ამ ქვეყნიერ ზრუნველობისგან და შედეგად წყნარი ცხოვრების საყუდლის ძებნას.

ძამოდენიმე მონასტრებში ვყოფილვარ და ესაა ვდგევარ იმ მონასტერში, სადაც ვასრულებ

ჩემ ცხოვრებას. ჩემი ერთგული სტეფანე განვათავისუფლე და ვაძლიე იმდენი ფული, რამდენიც საჭირო იყო მის საცხოვრებლათ მონაცუბელობაში, მაგრამ არ გამოამართვა და თვალ-ცრემლიანმა მთხოვა, რომ არ გამეშვა. იმას უნდოდა ჩემთან მომკვდარიყო; მართლაც აქ გაატარა მთელი თავის სიცოცხლის დანარჩენი დღეები და მოკვდა ისე, რომ ბერობა არ მიუღია; „სად შემოძლია მე ცოდვილს ბერობა; ამბობდა იგი, ჩემზე ისიც საკმარისია, რომ ღირსი შევიქნე დვთის მონებთან ცხოვრებისა!“

სატიცხელება მ. გ.—მ დაასრულა თავისი მოთხოვნა შემდეგი სიტყვებით: „ჩემზე თქვენ ხედავთ დვთის გასაკვირველ მოწყალებას; რომ გამოიტაცა ჩემი სული ბნელის, ცოდვილი ძილისაგან უოვლად-სახიერმა და კაცთ-მოყვარე ღმერთმა, დამანახვა სიკვდილის მდგომარეობა და მომაკვდავს ამინილნა თვალნი, რათა არ დამეძინა საუკუნო სიკვდილით.“

თეოფ. ხუსკივაძე.

ჩედაძიის პასუხი.

შშაელის მრეელის მღვდ. ლ. ბერიეს. მარტის პირველამდის ყველა № №-ში „მწყემსი“-სა გავიდა და ამიტომ არ გეგზანებათ თქვენც.

ბ. ბ. ჩოჩიშვილს. მსეთის კამისიაზე ცნობებს დიდს სიამოვნებით დაგებუდათ.

ს. პარდანახი. მღ. ი. შ.—ეცს. თქვენ სიტყვაში ბევრი კარგი აზრია, მაგრამ ზოგიერთი მიზეზებისა გამო არ იბეჭდება.

მუჩენბაღის მინის ქარხანაში ბ. დ. პ.—ეცს. თქვენი ლექსების ამოკითხვა ძლიერ სამწელო შეიქნა, რადგან ცულის ხელით და ქარაგმებით არის დაწერილი. დასაბეჭდი ლექსიც და სტატიაც გასაგები ხელით უნდა იყოს დაწერილი.

გ ა ნ ც ხ ა დ გ ბ ა ნ ი

ლაიბეჭდენ და ისეიდებიან

თბილისის და ქუთაისის შველა წიგნის მაღაზიებში

ქალაქი

იბრაჰიმის აკისპოპოზის გავრცელების

თქმულნი 1860—76 წლებში, ტომი პირველი, გამოცემა მესამე.

ფასი მანათნასეუარი

თფილისიდან ამ წიგნის დაბარება შეიძლება ასე: Вь Тифлисе, вь Закавказскую книжную торговлю Зах. Петр. Грикурова. ქუთაისიდან — იმერეთის ეპისკოპოსის კანცელარიიდან.

(10—2)

ლაიბეჭდენ და ისეიდებიან შველა წიგნის მაღაზიებში

საქართველოს მოკლე ისტორია

მოქალაქისა

ფასი 60 კოპ.

გინც პირდაპირ გამომცემლისგან (Тифлисе Михайлов. ул., № 42 Георгию Давидовичу Карвелову) დაბარებს არა ნაკლებ 20 ეკუ., იმას წიგნი დაეთმობა 50 კაპეკად.

ამ წიგნის დაბარება შეიძლება „მწყემსის“ რედაქციიდან.

მოკლე დროში წიგნი გაიგზავნება საქართველოს უმთავრეს ქალაქებში.

საქართველოს ექსარხის კანცელარიაში ისეიდება რუსულს ენაზე დაბეჭდილი

სიტყვანი და ფასგანი

ჭადღალ უოვლად ესამდვდელოესის არხიეპისკოპოსის კომინიევისა და სოტინსკისა, დდეს საქართველოს ექსარხოსის შავლესი. სიტყვანი და მოძღვრებანი შესდგებიან სამი ტომისაგან. პირველი ტომი არის 545; მეორე ტომი — 546 და მესამე ტომი — 538 კაბადონი. ფასი სამივე ტომ. ოთხი მან. და ათი შ. წიგნების დაბარება შეიძლება ზემოხსენებულ კანცელარიიდან და „მწყემსის“ რედაქციიდან.

Дозв. цензурою Кутаись, 30 Сентября 1884 г.

Скоропечатня Зедгинидзе и Перадзе вь Кутаись.

რედაქტორი-გამომცემელი მ. დ. ლაშაშვიდი.

მსწრაფელბეჭდვაი ჯეჯინიძის და ფერაძის.